

春秋條貫篇

西河合集

蕭山毛奇齡

字大可初靖稿

文輝克有較遠宗姬漢

春秋條貫篇三

莊公

元年 春王正月

齊襄娶夏單伯逆王姬 四條一貫

此齊襄娶王姬為夫人而單伯送之者也周禮王

姬下嫁必使上卿送之故此逆字是送字之誤但

送至魯者以天子不與諸侯婚必使同姓諸侯主

之我魯宗國應主婚故來魯也

姬秋築王姬之館于外

特莊公雖卽位而尚在憂次恐齊襄來親迎不便行主賓之禮故築館在國外

姬王姬歸于齊

姬二年秋七月齊王姬卒

擅弓曰齊告王姬之喪魯莊爲之服大功以魯主姬婚比之內女當服姊妹之服故也若王姬世次不知與魯莊何等舊稱桓王女今以何彼穠矣之詩稽之有云平王之孫則桓王女弟也特策書總

未詳矣

元年冬十月乙亥陳侯琳卒

王使榮叔來錫桓公命

賜追命也

二年春王二月葬陳莊公

夏公子慶父帥師伐於餘丘

策書闕

十二月乙酉宋公馮卒 夏四月葬宋莊公 五月

葬桓王

五年秋郕黎來來朝

七年夏四月辛卯夜恒星不見夜中星隕如雨

秋大水無麥苗

莊伐邾

八年春王正月師次于郎以俟陳人蔡人

四條一貫

策書闕杜氏云期共伐邾而陳蔡不至故駐師于郎以待之按邾小國居齊魯間文十二年有邾伯來奔之文而世家云邾叔武爲文王子則邾固同姓伯爵之國或是時偶有小嫌思以服之亦未可知特策書不可考矣

邾

甲午治兵

將陳而教戰禮也

夏師及齊師圍邾邾降于齊師

乃以二國師討邾則邾在必降所憾者獨降齊耳然則虐小何爲矣

邾秋師還

冬十一月癸未齊無知弑其君諸兒

九年春齊人殺無知秋七月丁酉葬齊襄公

魯莊與齊桓公及齊大夫盟于莒

十條貫

前一年齊無知弑襄公齊大夫鮑叔牙奉小白奔

莒管夷吾召忽奉子糾奔魯皆襄公弟也至是齊

大夫與子糾黨者將迎糾于魯而來爲是盟

齊

夏公伐齊納子糾齊小白入于齊

乃公爲伐齊納糾而小白先自莒入矣

齊

八月庚申及齊師戰于乾時我師敗績

則不能納糾原可以已乃歷夏及秋而我師未退

齊桓因賈勇出戰我師敗績莊公喪所乘大路而

遽乘他車以歸

齊

九月齊人取子糾殺之

然後使鮑叔來成請殺子糾而生得管仲召忽以

去召忽自殺管仲乃仕桓而爲大夫焉

齊

冬浚洙

公乃浚洙以待之。洙者魯之北，齊之南，齊魯所以界也。

惡齊

十年春，王正月，公敗齊師于長勺。

當是時，齊桓思以兵政威天下，而魯本易與。且糾黨也，請威之。自魯始，乃計前子糾之取市，及三月而遽興師，集其地。公懼，會魯有奇士曹劌者，草野言兵事。公急見之，請教。曰：「必忠信而可。」公曰：「諾。」使之主戰。俟齊師作，氣鼓三絕，而後馳之。齊師敗，不卽逐也。俟其奔之急，轍已亂，旗已靡，無伏莽也。夫然後長驅而逐之境外。

齊

二月公侵宋

卷三

二

齊

夏六月齊師宋師次于郎公敗宋師于乘丘

夫以齊桓之強管仲之謀初出師而敗于魯無足道矣乃將合宋師來伐而我覘知之而先爲侵宋及齊師宋師合并而來宜直入國都而未敢也乃徘徊境上而次于郎邑公子偃魯大夫也望宋師不整請先擊宋以敗之宋敗齊必退而公未之許偃乃自郕門竊出蒙皐比皮虎而犯之公從之大敗宋師于乘丘公乃自以金僕姑射宋力士南宮長萬生獲之齊師不敢戰旣而遁去

齊

十一年夏五月戊寅公敗宋師于郕

越一年齊不敢報伐而宋先報之公復親禦之乘其未陳而薄之而宋復大敗

齊

十三年冬公會齊侯盟于柯

其明年宋南宮長萬以見獲于魯之故爲其君宋閔所嘲而萬遂弑閔其在宋之憾可稍釋矣獨齊謀興霸已經四年而不能得志于魯且是年首會諸侯于北杏以平宋亂而魯獨不與壇坫之間未免少歉因于是年冬忽反惡爲好急爲是盟而齊魯之惡於此終焉若曹沫劫盟要反侵地雖世家

亦有之。予向亦惑公羊說載之傳中。然策書無有。且似倣夾谷之會而造其事者。蓋夾谷反侵地。本夫子權宜之詞。因其責貢賦而抵以是言。若無故而反要地。不惟齊桓與管仲不許。卽齊景晏嬰亦豈許之。且隱桓之際約三十餘年。在齊魯並無侵奪都邑并挾地奔獻之事。况齊南魯北地亦多有安。必如南蒯陽虎所獻。皆郕謹龜陰之田。在汶水北者而動曰汶陽。無是理也。然而世家亦傳之曰。此戰國間訛文也。手劍劫盟戰國之習也。

十年三月宋人遷宿

策書闕

楚伐蔡

秋九月荆敗蔡師于莘以蔡侯獻舞歸

二條一貫

蔡哀侯獻舞者蔡桓侯之弟桓十七年經稱蔡季自陳歸于蔡者是也據傳蔡哀侯與息侯俱娶于陳而息媯于歸時過蔡蔡侯不敬息侯聞而怒請楚文王來伐息而求救于蔡楚因其來救遂專擊蔡敗諸莘而鹵哀侯以歸

蔡

十四年秋七月荆入蔡

哀侯乃怨息譽息媯之美以悅楚子楚子如息假設食入享遂滅息以息媯歸生堵敖及成王而暗

而不言問之曰吾一婦而事二夫縱弗死其又奚
言楚子乃爲之伐蔡據世家無再伐蔡事且哀侯
留蔡九年死于楚蔡人立其子爲繆侯是此時哀
侯正在楚不得又有伐哀侯之事凡此皆不可考
譚齊滅十年冬十月齊師滅譚譚子奔莒

譚小國而近魯者齊桓出奔時怨譚不禮因滅之
十有一年秋宋大水

宋萬弑其君秋八月甲午宋萬弑其君捷及其大夫仇牧
貫一

宋萬卽南宮長萬也長萬于乘丘之戰爲莊公射

而獲之宋君請還萬且嘲之曰魯囚也萬卿之至
是弑閔公于蒙澤并殺仇牧羣公子奔蕭公子御
說奔毫萬子南宮牛與猛獲帥師圍毫

冬十月宋萬出奔陳

宋人以曹師伐毫殺南宮牛于師而猛獲奔衛長
萬奔陳宋請獲于衛衛歸之及請萬于陳陳人飲
萬酒而褻以犀革北至宋而犀革皆裂宋人並醢
之而立公子御說御說者閔公弟卽宋桓公也

齊桓借平
宋以典霸
北杏
一貫
五條

十三年春齊侯宋人陳人蔡人邾人會于

齊桓興霸自平宋始平宋之會自北杏始然實不知其何以平也。以爲賊未討耶。則南宮氏滅矣。以爲新君未定耶。則公子御說已在位矣。必欲平之。豈御說不當立。應別立一君乎。抑欲使御說服齊事霸主乎。不可考矣。

平十四年春齊人陳人曹人伐宋

然且謂北杏之會宋人背之復合三國以伐宋

平夏單伯會伐宋

并請師王國以伐宋

平冬單伯會齊侯宋公衛侯鄭伯于鄆

然後宋服而會之。夫平宋者平宋亂也。今宋已無亂而乃挾天王諸國之勢脅新君而使之服已平亂如是乎。

平宋

十五年春齊侯宋公衛侯鄭伯會于鄆

于是又會之而齊霸以起傳曰齊始霸也

齊威

十三年夏六月齊人滅遂

二條貫

北杏之會原屬無理乃以遂人不至而竟滅其國

遂

十七年夏齊人殲于遂

守其地越四年遂之遺民飲齊戍而盡殺之可謂快矣第不知此後仍還其國抑并滅其民或遷其

民而策書總未詳也

十五年夏宋人齊人邾人伐鄭

策書未詳其事

齊桓公以服鄭人侵宋九條一貫

鄭突復國怨宋之不納之也遂侵宋策書未詳

服鄭十六年夏宋人齊人衛人伐鄭

宋合齊衛報伐之

報鄭冬十有二月會齊侯宋公陳侯衛侯鄭伯許男

滑伯滕子同盟于幽

可以已矣齊桓乃借此盟鄭創為斯會以為成鄭

之役夫宋鄭構伐與齊何與而欲其並成于已然
則所謂兵車之會衣冠之會動合諸國以號于諸
侯皆無道之會也當是時我魯猶與會也

報服

魯鄭十七年春齊人執鄭詹

報服

乃成之則亦已矣鄭使詹至齊而齊又執之

秋鄭詹自齊逃來及鄭詹逃齊與魯無與乃不謂其來于魯也

報服

十九年秋公子結媵陳人之婦于鄆遂及齊侯

宋公盟

前此齊宋之怨遲久未報乘丘長勾蓄憾深切徒

以盟會未齊故假柯之盟以暫爲銷釋而乃收齊
叛以與齊抗則桓有詞矣又且齊宋讎魯原屬一
體今事連齊宋正可合并于是齊桓宋桓將興師
伐魯特爲是盟而公子結以致賸陳侯之故道聞
其事乞爲參盟以解之此亦使臣專事之用心也
而無如齊宋之勢之不可已也

服

魯

冬齊人宋人陳人伐我西鄙

夫以無故欲服鄭而移憾于魯公然見伐霸者之
行事槩可睹矣此皆策書全不解而夫子經文一
一備書之以志齊惡者若夫陳亦與師者斯時陳

宣娶衛女而我以同姓媵之意必公子致媵時以盟鄆故誤其事而策書又闕之也

服鄭報鄆秋七月丙申及齊高傒盟于防

桓乃自知無禮復遣上卿來修好而因而盟之

服鄭報魯鄭二十五年春陳侯使女叔來聘

陳亦使陳大夫女叔來修好

服鄭報魯鄭冬公子友如陳

而我亦報之

十六年荆伐鄭

策書未詳

邾子克卒 十七年冬多麋

十八年春王三月日有食之

夏公追戎于濟西

策書不詳其事

秋有暵 冬十月 十有九年春王正月 夏四月

二十年夏齊大災 秋九月

冬齊人伐戎

策書闕先仲氏曰此齊桓攘夷狄也

二十有一年春王正月

夏五月辛酉鄭伯突卒 冬十有二月葬鄭厲公

二十有二年春王正月肆大青

策書闕

陳人殺其公子御寇

御寇不知以何事見殺策書不詳特是時陳公子完以御寇之黨而出而奔齊

夏五月

魯莊齊桓
交好始末

冬公如齊納幣

十二條
一貫

齊桓為柯盟以釋長勺乘丘之怨今復修防盟以釋伐我西鄙之怨酬報已訖遂一意和結而申以婚姻之好而為魯莊者亦遂傾心以應之從來納

幣遣上卿而公必親往過也。非禮也。特策書未備。不知莊所娶者何公之女。或曰桓女則倍公娶桓女矣。僖十七年經書夫人姜氏會齊侯于卞。是以父子而爲僚壻。不可。且桓子貽公爲魯壻。亦稱莊女。則未有其子壻我。而我又爲其壻者。或曰襄女如胡氏所稱。離女者。則齊襄之弑。距今已一十五年。必不當有十五年前之室女于此。未嫁且莊娶襄女。自以文姜爲主婚。姜死。距桓弑廿二年。距襄弑十四年。何不于此時主婚。納幣。逆女。一了其。事。至身死二年而尚曰離女之娶。文姜主之。宛誣。

甚矣此必當時有公族他女可爲婚姻而策書總
未詳也。弟魯莊原有妻築臺黨氏已自娶孟任爲
夫人生子般矣。周禮諸侯可再娶。皆稱夫人。則其
子皆是嫡。故魯桓爲再娶夫人之嫡子般爲始娶
夫人之嫡。禮例瞭然。但再娶夫人則必始娶者已
死而衛莊姜未死而再娶厲嬀。此孟任未死而再
娶哀姜。其爲周禮與春秋時禮皆不可考耳。

二十有三年春公至自齊

夏公如齊觀社

遂借祭社以耀戎器而請公往觀誇之亦親之也

齊好公至自齊

齊好公及齊侯遇于穀

齊好未已也。又爲遇以觀之。

齊好秋丹桓宮楹

齊好而我則以將娶于廟而故爲非禮之飾以誇之。

齊好十有二月甲寅公會齊侯盟于扈

齊好復爾爲會以盟之。

齊好二十四年春王三月刻桓宮楹

齊好我又誇之。

齊好夏公如齊逆女

且親迎焉

齊秋公至自齊

齊八月丁丑夫人姜氏入

乃以孟任在宮而姜與公不同入

齊戊寅大夫宗婦覲用幣

又不于至日朝廟而復隔一日始朝廟而行宗覲之禮是齊魯交好于此已畢而哀姜之禍則從此已肇其端也

二十三年春祭叔來聘

策書闕

荆人來聘

策書闕

蕭叔朝公

策書闕

冬十有一月曹伯射姑卒 二十四年葬曹莊公太

大水

冬戎侵曹曹孺出奔陳赤歸于曹

策書闕

郭公

策書闕

二十有五年夏五月癸丑衛侯朔卒

六月辛未朔日有食之鼓用牲于社

杞伯姬嫁叔
始末伯姬歸于杞十二條
一貫

此莊女也歸杞者爲杞成公妻也策書闕

杞二十七年春公會杞伯姬于洮

是時杞惠公在位成公雖娶妻而未立也伯姬之
來必有事而入于境而公亦必以有事而後出國
而與之相遇而惜乎策書俱亡之矣若其不入國
則以歸杞未久不當歸寧故止而不入禮也
杞冬杞伯姬來

此當歸寧時矣

杞杞伯來朝

于是杞惠修事大之禮而來朝焉

杞僖五年杞伯姬來朝其子

乃越一十三年惠公雖尚在成公猶未立而成公之子桓公已生姬遂于寧母成風之際攜其子來魯而使之行朝公之禮謂之朝其子是時僖公爲伯姬兄弟桓公者僖之甥也策書闕

杞二十三年冬十月杞子卒

乃于伯姬朝子之明年杞惠公卒而經不書不赴

弔也。今杞成公又死，經第書卒而不書葬，則遣弔而不會葬也。

〔杞〕二十七年春，杞子來朝。

于是成公之子桓公爲伯姬所出，向之攜而來朝者，今已立四年，又來朝而修嗣君禮焉。

〔杞〕秋乙巳，公子遂帥師入杞。

乃不知何事甫來朝而遽伐之，而策書總未詳也。

〔杞〕二十八年秋，杞伯姬來。

此以我伐故而伯姬親來求解免者，策書闕三十一，年冬杞伯姬來求婦。

伯姬乃修好。仍欲求我女爲桓公婦。而我許之。卽經所稱子叔姬者。第桓公年已長。不知始娶何婦。有子與否。而此所娶嫡。又不知是何公之女。而策書總未詳也。若夫姬自求婦者。國君必無父。必以國母命娶婦。此是周禮。故夫子直書之。而胡氏以此爲亂政之戒。真不通也。

文十一年春王正月杞伯來朝

又不知叔姬何故歸。桓公一十四年。而以有過當去。桓公特來朝請。第絕叔姬而不絕我婚。更以叔姬之娣爲夫人。而我又許之。傳云杞桓公來朝始

朝公也。此是左氏臆語。嗣君始朝則僖廿七年已
朝之矣。若朝嗣君則未有十二年始朝者。又云且
請絕叔姬而無絕婚。此策書文。而惜其又未詳也。
〔杞〕二月庚子子叔姬卒。

正月見絕而二月卽卒。此必有以抑鬱死者。經書
子叔姬一似我室子而未歸杞者。此書例也。

莊二十五年秋大水鼓用牲于社于門。

〔莊公〕二十六年春公伐戎。三條一貫

〔伐〕夏公至自伐戎。

〔伐〕秋公會宋人齊人伐徐。終卽戎也

策書總闕

二十六年夏曹殺其大夫

策書闕

冬十有二月癸亥朔日有食之

齊會盟夏六月公會齊侯宋公陳侯鄭伯同盟于幽

據策書陳鄭服也然陳鄭無叛亂之事何故使服
要不過強伯魯之使從已耳齊桓之盟會總如此
秋公子友如陳葬原仲

自奔葬其友也

莒慶來逆叔姬

此又我女之嫁莒大夫者按莒舊與我怨隱八年
藉紀侯爲我婿因而平之故今且與莒大夫爲婚
姻其後季友伐莒交惡如故至僖二十五年而莒
慶親魯復託衛求平因之有莒慶盟洮莒子盟向
之事詳見于後

桓天王責齊

公會齊侯于城濮

二條一貫

此策書無文而杜氏曰譏討衛也夫此時衛本無
過何故討衛乃據他策書初周莊王寵王子頹及
惠王卽位而子頹與王國五大夫作亂惠王奔溫
其時衛侯朔者本弑兄賊也奔而反國惡公子黔

牟在周。秉子頹奔衛。遂奉子頹同燕師伐王。并立子頹。此前事也。當是時。賴鄭厲公突幹父之讎。直執燕仲父。而本王歸衛。以居于櫟。且入成周。取寶器與虢叔謀納王。其明年。鄭厲公親奉王入京師。殺王子頹。以平大難。而其時。齊桓興霸已一十二年。爲會爲盟。正值服鄭報魯之際。威行四出。並未嘗曰。天子蒙塵。王室喪亂。伯主爲之召一國興一師。費一矢也。今相距又八年。亂賊已消。君側已清。衛侯朔之肆逆。旋已喪亡。卽鄭厲公之獨身勤王。建不世大功。爲春秋以來可嘉之人。亦且謝世已。

久而天王忽念前事特賜齊桓命使之討衛此非命之實責之也乃桓亦自知無狀難以對衆因不敢復會諸國而第會我公而謀之

人戰衛人敗績
王天二十有八年春王三月甲寅齊人伐衛衛人及齊

而且不煩我師自爲督戰兼令大夫之無名者統其衆第數衛前罪以敗之而不知事在衛朔其子不受撻桃而兕李雖喋喋亦無益也凡此皆夫子修簡書時體天王之意依事直書以使之自媿者故王室之亂外史失告于四方以致魯史無文然

總於此書見之。是以子頽之逆衛朔之叛鄭厲之
功皆策書所有。而左氏無識不能合傳于此簡之
下。致東根西觸多所散軼。而實則簡策並存。未有
闕也。其後首止葵丘謀定王位。雖襄王此時實來
告難。然亦有鑒前轍。改悔自奮。因之成尊王之功。
所謂迫于名義之不得已。而藉此補救與鄭厲之
獨身勤王無所爲而爲之者。相去遠矣。予若是條
時左臂風痛。瞑而假寐。有丈人者請讀之。曰。如
是。是貴之非命之也。醒而豁然曰。教我矣。因叩首。
凡問改天王命。齊桓爲責齊桓。且增非命之實。責之。

句恍神助焉

夏四月丁未邾子貜卒

秋荆伐鄭公會齊人宋人救鄭

鄭與楚無讎而無故以讎伐之其合而救之宜也然楚之爭鄭則自十六年以後又一見矣

冬築郿大無麥禾 臧孫辰告糴于齊

二十有九年春新延廐

許鄭侵夏鄭人侵許

鄭許不兩立然自鄭莊入許後越四十八年至鄭文而又往伐必別有其事而策書總未詳也

秋有蜚城諸及防

三十年春王正月

夏師次于成

策書闕

秋七月齊人降鄆

策書闕

九月庚午朔日有食之鼓用牲于社

齊伐冬公及齊侯遇于魯濟三條

一貫

山戎病燕齊桓謀伐而魯會之先仲氏曰齊桓之所爲攘夷狄此是也

齊人伐山戎

三十一年六月齊侯來獻戎捷

三十有一年春築臺于郎夏四月薛伯卒

築臺于薛秋築臺于秦冬不雨

三十二年春城小穀

夏宋公齊侯遇于梁丘

傳稱爲楚人伐鄭之故謀會諸侯按前荆伐鄭在二十八年距此五年事已往矣後楚人伐鄭在僖元年則在三年後焉得先事而知之荒唐極矣且未有謀救鄭而單會一宋公者且後此不救鄭也

仲叔姜氏弑逆始末

秋七月癸巳公子牙卒

十五條一貫

卷三

二十一

公子牙者莊公弟也莊有三弟曰仲慶父曰叔牙曰季友皆桓公之子謂之三桓而莊公與季友同母故季友以嫡弟爲桓氏宗卿而慶父叔牙皆下之公始娶夫人曰孟任魯大夫黨氏女也初見孟任美欲私從之不可乃盟而娶爲夫人生子般焉及莊廿二年齊桓將修好于公因再娶齊女爲夫人卽後所稱哀姜者以氏族之貴聘娶之盛遂紉孟任而先之若所稱正次也者雖其爲周禮爲春秋時禮總不可考然向使姜氏有子則莊當立之

爲後不待言也不幸姜無子則雖姜之廢叔姜已
生閔公卽先此始娶之廢成風已生僻公而皆不
得奪孟任始娶之嫡因議立子般而季友以宗卿
佐之此必當時所受之禮又有然者不意姜有淫
行與慶父私通共謀紉孟任將廢子般而閔倍支
庶勢難篡易遂造爲莊公不傳子而傳弟之說以
變亂其事蓋爲慶父弑立地也時叔牙與慶父同
母助慶父而公聞之因要季友使爲主友曰請以
死奉般遽假公命酖叔牙于鍼巫氏而立叔牙子
公孫茲父爲叔氏後

叔仲八月癸亥公薨于路寢

及公薨立子般焉

叔仲冬十月己未子般卒

無如叔牙雖死而姜氏與慶父慘結不解乘子般
立于黨氏乃使力士圍人竿就黨氏弑之

叔仲公子慶父如齊

季友又立叔姜之子啓爲閔公而慶父奔齊其奔
齊者恐季友討亂而以姜氏爲齊女與助姜也

叔仲閔元年秋八月公及齊侯盟于落姑

乃季友亦先奔在陳而告難于齊不惟離齊姜之

黨并請齊桓會落姑與閔公特盟以定其位

叔仲季子來歸

而然後來歸以佐之左氏不識經反謂閔盟齊桓以請季歸夫季自可歸不必齊請卽齊亦焉得請季歸且閔亦必不能會齊桓以爲之請也九歲之孤內制姜氏季者姜讎也誰則使之請季者

叔仲冬齊仲孫來

乃季請桓會閔及來歸而又得齊大夫來以省魯難雖桓意實季意也

叔仲二年秋八月辛丑公薨

無如變起宮掖仲慶與姜氏復使卜齋弑公子武
開武閤者有宮門也武者有也

他

九月夫人姜氏孫于邾

于是季友將討亂而姜氏奔邾不敢奔齊也季乃
止僖公且亦奔邾制姜氏而絕仲慶之往

他

公子慶父出奔莒

仲慶亦不敢奔齊并不奔邾而轉而奔莒季乃賂
莒諸慶歸而迫之于途使自縊焉

他

冬齊高子來盟

齊桓因使上卿來盟以定公位且省魯難

叔仲

僖元年秋七月戊辰夫人姜氏薨于夷齊人以歸遂取姜氏于邾而殺之且以其屍歸于齊與魯絕也夷者齊地也徐仲山日記曰季友之殺二兄齊桓之殺齊女二人之討亂賊其義一也

叔仲

十有二月丁巳夫人氏之喪至自齊

叔仲

僖公則不忍竟絕其母請毋喪歸

二年夏五月辛巳葬我小君哀姜

然而刑戮之屍不當歸兆并不當會葬行虞祔卒哭諸節而僖公過情直以小君之常禮行之

叔仲

八年秋七月禘于太廟用致夫人

且因禘祀之際復致主而行入廟之禮則失之矣
禮不薨于寢者不殯于庭不致主于廟

莊三十二年狄伐邢

見後

西河合集

蕭山毛奇齡

字大

又名

春秋條貫篇

四

閔公

元年 春王正月

莊三十二年狄伐邢

十三條

此狄伐邢之始也公穀皆云狄滅邢非也策書闕

邢閔元年齊人救邢

齊桓于是遣大夫救邢先仲氏曰此卽齊桓之所

爲攘夷狄者而世誤以伐楚事當之也。

邢
狄

二年十有二月狄入衛

乃是時邢與衛俱與狄鄰且俱以狄爲病故狄于
伐邢之後轉而入衛而衛懿繼惠而立不愛民而
愛鶴每使鶴乘車以遊至是狄至甲士受甲者皆
曰吾步士也何能戰當使乘車者出戰耳而于是
衛師大敗策書所云狄滅衛是也其時國人怨衛
惠之殺兄伋自立因舍惠懿之族復立黔牟弟昭
伯之子申爲戴公廬居于漕以黔牟昭伯皆伋母
弟也先仲氏曰漕無城故廬居然曰廬者亡國之

禮也。齊桓乃使公子無虧帥車三百乘甲士三千人戍漕而戴公又死。國人又立戴公之弟熒爲文公。文公乃衣大布冠衣，收衛遺民而居之。先仲氏曰：「大布冠衣，喪服也。亦亡國禮。」

狄邢 僖元年，齊師、宋師、曹師次于聶北，救邢。而無如狄之乘衛，敗而又伐邢也。齊桓又帥諸侯之師以救之，則邢與衛爲唇齒明矣。

狄邢 夏六月，邢遷于夷儀。

齊桓乃以邢不可居，遂乘其出奔而遷于夷儀。

狄邢 齊師、宋師、曹師城邢。

然且卽以諸侯之師爲之城焉

邢衛二年春王正月城楚丘

獨其時衛尚未城乃踵城邢之役而轉而城衛使邢衛俱遠狄難齊桓之同惡相恤如此

狄邢衛十三年春秋侵衛

于是邢衛安枕者各十三年不謂狄勢未衰齊桓甫平戎于王亦第攘之而未有以使之創至是狄復侵衛是向之爲狄滅者係舊衛原與狄迄今之受侵者爲新衛旣已遠于狄而狄復侵之則漸不可長矣策書闕

狄

十八年冬邢人狄人伐衛

然猶幸狄無與耳從來夷與夷黨夏與夏黨當時
爲邢衛者並受狄禍是同病也同姓之國加以同
病自宜爾我相恤乘齊桓尚在併心協力以拒狄
爲事誰曰不然而不謂邢之畏狄而反助狄以伐
衛衛何堪矣衛文乃大創請讓位去國而國人留
之

狄邢

衛十九年秋衛人伐邢

衛文乃砥礪伐邢以剪狄之與此非衛伐邢邢自
伐也

邢衛二十一年秋齊人狄人盟于邢

邢復以見伐之故告于狄而狄謀報之是以邢狄將特盟而不謂齊孝公者因齊桓亡時宋襄納孝公而狄窺齊隙假名救齊實興師以拒孝公之納而孝公反畏之至是齊桓之死甫及三年而齊孝公承父志父攘狄救衛而齊孝反因狄伐衛而與之參盟是合邢與狄與齊而共謀一衛衛之病也甚矣

邢衛二十一年春秋伐衛

乃參盟未幾而狄果侵衛是狄爲邢報十九年之

伐而齊又助之此非次爲難實邢爲難也

邢

二十五年春王正月丙子衛侯般滅邢

邢衛不兩立勢非滅邢則狄不可禦非滅邢以禦狄則衛不可存衛文乃深于用謀先以衛大夫禮

至昆弟仕于邢國而後興師伐邢陰以二禮爲內

應而入而滅之則是衛之滅邢非滅人國也存其

國也邢之爲衛滅非衛滅之也邢自滅也乃若齊

桓之攘夷狄同惡相恤所稱一匡頗見于此而其

子一舉而反之孟子曰今之諸侯五伯之罪人也

春秋之義俱見矣至于狄書人衛文書名舊解無

理詳見毛氏傳中

閔元年夏六月辛酉葬我君莊公

二年春王正月齊人遷陽

策書闕

夏五月乙酉吉禘于莊公

鄭棄其師

僖公

元年 春王正月

齊桓公伐鄭一貫條 楚人伐鄭

前莊十六年楚始伐鄭十八年又伐鄭齊桓公會

我與宋師同救鄭矣至是又伐鄭似與齊爭此鄭者

齊桓八月公會齊侯宋公鄭伯曹伯邾人于榘

齊桓二年秋九月齊侯宋公江人黃人盟于貫

齊桓齊桓既會諸侯以謀之乃又盟江黃以離楚之黨

齊桓楚人侵鄭

而楚復侵鄭不肯已

齊桓三年秋齊侯宋公江人黃人會于陽穀

齊桓復舉前盟以覘之蓋未敢即救鄭也

齊桓冬公子友如齊蒞盟

我以未會陽穀因往盟

齊桓伐楚人伐鄭

而楚又伐之不已

齊桓四年春王正月公會齊侯宋公陳侯衛侯鄭伯

許男曹伯侵蔡蔡潰遂伐楚次于陘

當是時齊桓方有憾于蔡以蔡姬得罪于桓桓遣之歸蔡而蔡人竟嫁之也桓本欲伐蔡而蔡又爲楚與國因先以諸侯之師伐蔡潰蔡師而後伐楚且不卽進師而次于陘以待之蓋欲不戰而使之出也而楚亦果不用兵而使使來請倘是時管仲

有識明正其罪直告以先王成憲毋相侵奪乃三
年之間無故而伐王朝之宗國分鄭爲周屬三轅其
地罪在何等則楚必無詞以對而乃扳緣古昔徒
以包茅不貢昭王不復爲楚罪則楚有說矣猶幸
而包茅之入楚受之耳萬一曰岱畎絲泉海谷鉛
松齊先公僻襄以來有常貢乎則齊必絀然而無
如楚之不敢抗也推其意皆由齊楚之爭鄭各在
意中而齊以私勝而不敢發而楚則利于不發而
唯唯以退而自此齊楚爭鄭則藉以暫息至齊桓
亡後晉文伐鄭而齊襄復與秦爭鄭再啓兵端至

文宣以後則晉楚明明爭鄭終春秋之世鄭自此無寧日矣

伐齊夏許男新臣卒

時許男隨齊伐楚而卒于師中

伐齊楚屈完來盟于師盟于召陵

楚乃使大夫來受成一盟于師再盟于召陵

伐楚齊人執陳轅濞塗

齊師與諸侯之師將歸陳大夫轅濞塗者恐師還自陳鄭問則必重費供億因與鄭大夫申侯謀請觀兵東夷循海而歸以蘇陳鄭之困而申侯反告

齊以不便齊侯乃賜申侯以鄭之虎牢而執轅濤塗

齊桓公伐楚及江人黃人伐陳

且伐陳焉

齊桓公伐楚八月公至自伐楚

齊桓公伐楚葬許穆公

前時許男卒于師至是葬之以加等之禮

齊桓公伐楚冬十有二月公孫茲帥師會齊人宋人衛人鄭

人許人曹人侵陳

而復以陳未受成又伐以成之歸轅濤塗焉

僖元年九月公敗邾師于假

策書未詳

冬十月壬午公子友帥師敗莒師于鄆獲莒拏

前公子慶父奔莒時季友以賂莒而得慶父今莒
來責賂不已且興師以入魯地則不可贊矣因敗
之且獲莒拏焉若生獲死獲策書未詳

僖元年虞師晉師滅下陽二條

晉獻入春秋便滅二同姓國而苟息爲之計謀晉
君臣之惡如此據傳晉賄虞假道以伐虢宮之奇
諫虞公不從因假道以滅虢下陽

五年冬晉人執虞公

越三年晉又假道于虞以伐虢富之奇又諫又不從遂滅虢并襲虞執虞公去而虞虢並亡蓋晉挾強詐以亡人國而虞以貪愚自亡皆春秋所深戒也

二年冬十月不雨

三年春王正月不雨夏四月不雨

徐人取舒

徐徐戎也舒楚與國也此爲十五年楚人伐徐之本

六月雨

晉獻五年春晉侯殺其世子申生六條一貫

晉獻娶齊姜生太子申生又娶戎二女大戎生重耳小戎生夷吾及伐驪戎得驪姬而嬖之甚姬生奚齊姬之娣生卓子遂欲廢太子而立奚齊時晉大夫里克平鄭荀息皆在朝荀息阿獻公定廢立之議而平鄭里克皆不從既而驪姬謂太子謂太子實毒祭肉以進公公殺太子傅而太子自經重耳夷吾皆出奔

九年九月甲子晉侯旆諸卒

越四年而晉獻死

冬里克殺其君之子奚齊

里克將發難先告荀息荀息曰廢太子而立奚齊
晉之言也吾何可食言克乃殺奚齊于喪次時晉
獻猶未葬也未葬稱子以未成君也于是荀息立
卓子先仲氏曰爾時里克與平鄭果主義而不阿
惑當與國人謀迎羣公子還國宣言公惑命不可
遵卜立羣公子而廢奚齊不當遠行弑也

十年晉里克弑其君卓及其大夫荀息
里克又殺卓子并荀息時已葬故稱君

世晉殺其大夫里克

里克與平鄭乃召重耳于翟而重耳辭之夷吾則
賂秦求入焉時秦穆特使人弔二公子以覘其賢
否將納重耳而秦公子絳反勸穆納夷吾以亂其
國因納夷吾是爲惠公而惠公惡里克平之召重耳
遂殺里克

十一年春晉殺其大夫平鄭

明年平鄭使秦歸并殺平鄭先仲氏曰里克弑君
平鄭不弑君經皆書殺其大夫則知非討賊文也
此與齊人殺無知衛人殺州吁于濮文例不同

五年夏公孫茲如牟

齊桓定公及齊侯宋公陳侯衛侯鄭伯許男曹伯會

王世子于首止

十三條一貫

周襄王爲王世子時惠王欲廢之而立王子帶齊桓乃帥諸侯請會王世子以定其位

位秋八月諸侯盟于首止

既會王世子又自爲盟以固之

王位鄭伯逃歸不盟

惠王使宰周公召鄭伯曰吾撫汝而輔以晉楚可少安矣何必從齊鄭伯乃逃其師而歸不與盟

位王 六年夏公會齊侯宋公陳侯衛侯曹伯伐鄭圍新城

桓乃帥諸侯之師以伐之

位王 秋楚人圍許諸侯遂救許

楚人欲救鄭而以許與鄭讎乃爲鄭伐許而圍之桓乃舍鄭而救許經書諸侯卽前諸國也

位王 冬公至自伐鄭

於是諸侯皆救許而退

位王 七年春齊人伐鄭

而鄭未終伐齊乃遣大夫帥師終伐之

位王鄭殺其大夫申侯

前此齊桓伐楚時陳轅濤塗恐師還陳鄭問勸桓
循東海以歸而鄭申侯以爲未便桓乃執轅濤塗
而賜申侯以鄭之虎牢鄭之惡申侯久矣至是謂
申侯燔族而仕于鄭者遂殺申侯以悅齊以爲殺
楚人者卽所以絕楚也

位王秋七月公會齊侯宋公陳世子款鄭世子華盟于
甯母

于是桓與鄭平而鄭先使世子來盟以成之

位王八年春王正月公會王人齊侯宋公衛侯許男曹

伯陳世子欽盟于洮鄭伯乞盟

無如惠王已崩襄王慮子帶之難不敢發喪而告
雖于齊齊桓乃急爲此盟定新王之位而後發喪
蓋有鑒于子頹之難之定亂晚也惟時鄭亦以惠
王既死無所依恃故親來乞盟三傳于此皆失條
貫說見後二十四年秋伐鄭條

位上冬十有二月天王崩

王位既定然後發喪而赴告諸侯故惠王以前年
閏月崩而至是始書

位王九年夏公會宰周公齊侯宋子衛侯鄭伯許男曹

伯于葵丘

齊桓乃復會王人以固新王之位

王位九月戊辰諸侯盟于葵丘

王人先歸諸侯復自爲盟以終之孟子曰葵丘之會諸侯束牲載書而不歃血蓋勤王之會加以私盟又何容歃血爲也然而齊桓一匡之業則從此可睹矣

齊桓五年楚人滅莒莒子奔黃

九月戊申朔日有食之

七年夏小邾子來朝

曹伯班卒

公子友如齊

策書闕

冬葬曹昭公

八年夏狄伐晉

狄嘗伐晉而晉報伐之故晉之伐狄伐戎非攘夷
實報怨也後倣此

秋七月禘于太廟川致夫人

此以哀姜致莊廟也說見前

九年宋公御說卒

秋七月伯姬卒

此許嫁而未歸者

十年春王正月公如齊

策書闕

秋滅溫溫子奔衛

伐齊桓夏齊侯許男伐北戎

秋七月 冬大雨雪

十一年夏公及夫人姜氏會齊侯于陽穀

策書闕此必僖公夫人本齊桓之女故會之觀十

七年夫人姜氏會齊侯于卞可見

秋八月大雩

冬楚人伐黃

十有二年春王三月庚午日有食之

楚滅黃夏楚人滅黃

秋七月冬十有二月丁丑陳侯杵臼卒

十三年夏四月葬陳宣公

齊杞公會齊侯宋公陳侯衛侯鄭伯許男曹伯于鹹

二條一貫

爲淮夷病杞也

杞十四年春諸侯城緣陵

將遷祀以避淮夷也

十三年秋九月大雩

冬公子友如齊

策書闕

邠季十四年夏六月季姬及邠子遇于防使邠子來朝三條一貫

邠季姬者僖公女也其歸邠不知在于何年策書未詳不可考矣至是季姬來歸寧而公以邠子無禮不來朝也因止季姬不令還將以絕婚而季姬不忍特邀邠子遇于防使之來朝以解之經但書

季姬與鄆絕也遇者會禮也

鄆十五年三月季姬歸于鄆

夫然後使之歸鄆如始嫁焉

鄆十六年夏四月丙申鄆季姬卒

十四年秋八月沙鹿崩

狄侵鄆

策書闕

冬蔡侯肸卒

十有五年春王正月公如齊

策書闕

楚人伐徐七條一貫

徐徐戊也。楚無故來伐，策書無考。予向爲傳時，亦但按策書而不窮經文，遂略之矣。今考經條貫，則前三年經書徐人取舒，舒者楚與國也。徐伐楚與國，而楚能不報之乎？

徐三月公會齊侯、宋公、陳侯、衛侯、鄭伯、許男、曹伯盟于牡丘，遂次于匡。

徐公孫敖帥師及諸侯之大夫救徐。

但徐雖戎國而迫于齊魯之間，楚得越境而伐其國，則切膚矣。因合諸侯之師以救之。

徐 秋七月齊師曹師伐厲

不惟救之且伐厲以牽制之厲亦楚與國也

徐 九月公至自會

徐 楚人敗徐于斐林

乃以救之緩楚人終敗徐師于徐地而去

徐 十有七年春齊人徐人伐英氏

越二年而齊與徐人不能報楚仍伐楚與國以報

之則是楚一伐徐而以伐舒始以伐厲伐英氏終

一舉而三與國皆受剝焉用兵之搆害如此

秦穆伐晉 晉 十五年十有一月壬戌晉侯及秦伯戰于

韓獲晉侯

晉事略于經而詳于傳其略于經者以夫子不予
晉也詳于傳者以左氏得晉策書以爲之傳也據
傳則晉惠晉文前後繼立皆秦穆一人爲之納入
而經但書晉世子之殺奚齊卓子之弑而于惠文
相繼之跡絕不一及故往往不得其始末然而大
概可睹焉按秦穆本晉獻之壻夫人穆姬者申生
姊也當奚卓被弑時秦穆本欲納重耳而夷吾以
賂秦得入乃又悔其賂而不肯與秦同已啣之久
矣至是晉饑則秦輸之粟秦饑則晉閉其糴秦穆

乃伐晉而戰于韓。獲晉惠歸。賴穆姬履薪。衰絰以請罪。乃質晉惠之子圉而釋惠。返晉。其後晉惠卒。既已立圉爲懷公。而秦穆復納重耳。殺懷公于高梁之墟。總于此兆其端焉。事見二十四年晉侯夷吾卒條。

十五年夏五月日有食之 八月螽

九月己卯晦震夷伯之廟

冬宋人伐曹

此伐不知其事。宋與曹每有構兵不可解。

十有六年春王正月戊申朔隕石于宋五

是月六鵠退飛過宋都

三月壬申公子季友卒

秋七月甲子公孫茲卒

魯滅項 冬十有二月公會齊侯宋公陳侯衛侯鄭伯

許男邢侯曹伯于淮

四條一貫

淮夷病郕齊桓將城郕而會諸侯以謀之

項 十七年夏滅項

公在會未歸而我師滅項齊人以爲討而止公焉

項 秋夫人姜氏會齊侯于卞

夫人韓姜本桓女以公故會桓而乞公歸

頃

九月公至自會

乃歸

冬十有二月齊侯小白卒